



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

2 APRIL 2022 (SABTU)



KERATAN AKHBAR DAN MEDIA ONLINE (KPDNHEP)

2 APRIL 2022 (SABTU)

Lebih 900 pegawai pantau harga di bazar Ramadan

Orang awam dilantik secara kontrak bantu penguat kuasa di seluruh negara

Oleh Raja Noraina Raja Rahim dan Mohamad Ashyiq Haqimi
bhnews@bh.com.my

Kuala Lumpur: Lebih 900 pegawai pemantau harga (PPH) iaitu orang awam yang bekerja secara kontrak di Kementerian Perdagangan Dalam Negeri dan Hal Ehwal Pengguna (KPDNHEP) akan digerakkan memantau harga makanan di bazar Ramadan seluruh negara.

Menteri KPDNHEP, Datuk Seri Alexander Nanta Linggi, berkata pegawai terbabit ditugaskan bagi membantu lebih 2,000 penguat kuasa sedia ada melakukan pemantauan.

Selain itu, katanya, KPDNHEP mempunyai 72 Pusat Arahan Penguatkuasaan (ECC) termasuk di kawasan pedalaman bagi memastikan pengguna tidak menjadi mangsa kenaikan harga oleh pihak tidak bertanggungjawab.

"Melalui sistem pemantauan dilaksanakan secara *real time* (masa nyata) pegawai daripada ECC boleh terus buat pemantauan apabila terima aduan atau gangguan bekalan harga.

"Sebagai contoh kita terima aduan pengguna mengenai kenaikan harga barang di bazar Ramadan, pegawai pemantau akan dapatkan lokasi dan pada masa singkat ke sana untuk menyalut serta mengetahui keadaan sebenar," katanya.

Bellau berkata demikian selepas merasmikan Jualan Keluarga Malaysia peringkat Wilayah Persekutuan Kuala Lumpur sempena Ramadan di pasar raya Aeon Big Danau Kota, semalam.

Alexander berkata, bekalan bahan mentah dijamin mencukupi menjelang Ramadan dan sambutan Aidilfitri.

KPDNHEP terus memantau bekalan barangan dalam pasaran supaya tiada gangguan bekalan yang akan memberi kesan kepada kenaikan harga jualan.

Mengenai Jualan Keluarga Malaysia yang bermula Ahad ini hingga 2 Mei di seluruh negara, beliau berkata, sebanyak 12 barangan terpilih daripada Skim Harga Kawalan Keluarga Malaysia (SHMKM) dijual.

Katanya, ia menawarkan pilihan kepada pengguna mendapatkan pelbagai barangan keperluan



Alexander meninjau harga barang selepas merasmikan jualan Keluarga Malaysia peringkat Wilayah Persekutuan Kuala Lumpur sempena Ramadan di pasar raya Aeon Big Danau Kota, semalam.

luan harian seperti ayam, telur dan sayur-sayuran serta barangan keperluan asas dengan harga 20 hingga 50 peratus lebih rendah daripada harga pasaran setempat.

Program yang dilaksanakan

sejak Disember tahun lalu terbukti membantu meringankan beban perbelanjaan isi rumah rakyat Malaysia di samping menjadi pemangkin kepada pengguna untuk merancang pembelian dan membuat pilihan bijak.

Minyak masak paket bersubsidi

Monopoli industri, T20 jejas bekalan

Rantau Panjang: Masalah kekurangan bekalan minyak masak paket bersubsidi berlaku susulan ia dimonopoli oleh pengguna industri, selain golongan T20 dan M40.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata kerajaan memperuntukkan 60,000 tan minyak masak bersubsidi sebulan untuk kumpulan B40, namun diambil kesempatan oleh golongan terbahit.

Beliau berkata, antara faktor lain kepada masalah kekurangan minyak masak itu disebabkan tindakan pengusaha kedai makan dan restoran turut sama membeli barangan bersubsidi berkenaan.

"Ada juga pihak mendakwa ia berlaku susulan pelaksanaan program Keluarga Malaysia, namun syarikat pembungkusan semula yang terbahit dalam program ini hanya sebahagian kecil.

"Kegiatan penyeludupan minyak masak ke negara jiran juga menyumbang kepada masalah ini, tetapi hasil usaha agensi keselamatan yang mengawal sempadan menyebabkan kes membawa masuk barangan bersubsidi, ke negara jiran dapat dikurangkan.

"Kerajaan perlu berbelanja besar untuk barangan bersubsidi, contohnya minyak paket satu kilogram (kg) berharga RM2.50, tetapi harga semasanya RM5 bagi satu kg sehingga RM6 yang mana kerajaan menanggung kos melebihi RM3 untuk satu kg," katanya selepas lawatan kerja ke Kompleks Imigresen, Kastam, Kuarantin dan Keselamatan (ICQS) Rantau Panjang, di sini, semalam.

Yang turut hadir, Pengarah Pe-

nguatkuasa Kementerian Perdagangan Dalam Negeri dan Ketua Pegawai Penguatkuasa KPDNHEP Kelantan, Azanizam Affendi Juri.

Rosol berkata, tiada lagi isu peningkatan permintaan dan kelewatan bayaran balik tuntutan subsidi kepada syarikat pembungkusan semula minyak masak kerana sudah diselesaikan kerajaan.

"Pada tahun lalu isu ini didakwa berlaku akibat kelewatan bayaran kepada syarikat pembungkusan semula menyebabkan aliran tunai bermasalah, tetapi ia sudah dilunaskan.

"Setakat ini, terdapat lebih 300 syarikat pembungkusan minyak masak bersubsidi di seluruh negara dan sehingga semalam (kemarin), sembilan syarikat diambil tindakan kerana menyele-

weng," katanya.

Sementara itu, Rosol berkata, KPDNHEP merekodkan 31 kes penyeludupan barangan kawalan dan bersubsidi di pintu sempadan seluruh negara bernilai RM 1.71 juta bermula Januari hingga Februari lalu, berbanding 250 kes bernilai RM5.18 juta pada sepanjang tahun lalu.

Katanya, pihaknya memandang serius isu ketirisan barangan kawalan dan bersubsidi terutama di pintu sempadan negara kerana ia memberi impak negatif, selain merugikan negara.

"Kawalan sempadan terus diperketatkan di setiap negeri terutama selepas kerajaan mengumumkan pembukaan semula sempadan negara hari ini (semalam) bagi memastikan ketirisan barang kawalan dibanteras sepenuhnya.

"Tindakan tegas mengikut Akta Kawalan Bekalan 1961 dikenakan kepada individu cuba melakukan penyelewengan atau penyeludupan barangan ini," katanya.



Rosol Wahid

Kuala Lumpur: Lebih 900 pegawai pemantau harga (PPH) iaitu orang awam bekerja secara kontrak di Kementerian Perdagangan Dalam Negeri dan Hal Ehwal Pengguna (KPDNHEP) akan digerakkan memantau harga makanan di bazar Ramadan seluruh negara.

Menteri KPDNHEP Datuk Seri Alexander Nanta Linggi berkata, pegawai terbabit ditugaskan bagi membantu lebih 2,000 penguat kuasa sedia ada yang melakukan pemantauan itu.

Selain itu, katanya, KPDNHEP mempunyai 72 Pusat Arah Penguatkuasaan (ECC) termasuk di kawasan pedalaman yang terbabit dalam pemantauan bagi memastikan pengguna tidak menjadi mangsa kenai-

kan harga oleh pihak tidak bertanggungjawab.

"Melalui sistem pemantauan dilaksanakan ini, secara real time (masa nyata) pegawai dari ECC boleh terus buat pemantauan apabila terima aduan atau gangguan bekalan harga.

"Sebagai contoh kita terima aduan daripada pengguna mengenai kenaikan harga barang di bazar Ramadan, pegawai pemantau akan dapatkan lokasi dan dalam masa singkat akan ke sana untuk menyiasat serta mengetahui keadaan sebenar," katanya.

900 PPH pantau harga makanan di bazar Ramadan

Bellau berkata demikian pada sidang media selepas merasmikan Jualan Keluarga Malaysia peringkat Wilayah Persekutuan Kuala Lumpur sempena Ramadan di pasar raya Aeon Big Danau Kota di sini, semalam.

Alexander berkata, bekalan bahan mentah dijamin mencukupi menjelang Ramadan dan sambutan Aidilfitri akan datang.

Tambahnya, KPDNHEP akan terus memantau bekalan barangan dalam pasaran supaya tiada gangguan bekalan yang akan memberi kesan kepada ke-

naikan harga jualan.

Mengenai Jualan Keluarga Malaysia yang akan bermula pada Ahad ini sehingga 2 Mei di seluruh negara, beliau berkata, sebanyak 12 barangan terpilih dari Skim Harga Kawalan Keluarga Malaysia (SHMKM).

Kata beliau, ia menawarkan pilihan kepada pengguna mendapatkan pelbagai barangan keperluan harian seperti ayam, telur dan sayur-sayuran serta barangan keperluan asas dengan harga 20 hingga 50 peratus lebih rendah daripada harga pasaran setempat.

T20, M40 punca minyak masak peket kurang

RANTAU PANJANG: Kekurangan minyak masak paket masih berlaku kerana barang mentah bersubsidi itu juga digunakan oleh golongan T20 dan M40 selain pihak industri.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, setiap bulan, sebanyak 60,000 tan minyak masak paket diperuntukkan untuk B40 namun ia juga dipikmati golongan T20 dan M40, selain turut dibeli pengusaha kedai makan dan restoran.

"Ada pihak mendakwa ia berlaku kerana program Keluarga Malaysia, namun syarikat pembungkusan semula yang terbabit dalam program ini hanya sebahagian kecil.

"Kegiatan menyeludup minyak masak ke negara jiran juga menjadi penyumbang kepada masalah ini, tetapi dapat diatasi hasil kerjasama agensi penguatkuasaan keselamatan di sempadan negara," katanya selepas lawatan kerja ke Kompleks Imigresen, Kastam, Kuarantin dan Keselamatan (ICQS) Rantau Panjang, di sini semalam.

Mengulas lanjut, Rosol berkata, isu peningkatan permintaan dan kelewatan bayaran balik tuntutan subsidi kepada syarikat pembungkusan semula minyak masak sudah diselesaikan.

Sementara itu, Rosol berkata, sehingga 28 Mac lalu, KPDNHEP telah menjalankan 8,843 pemeriksaan ke atas premis yang terbabit dengan urusan minyak masak dan 25 kertas siasatan telah dibuka dengan 94 premis masih diaudit.

"Setakat ini 15 syarikat pembungkus digantung Kuota Skim minyak masak dan lima syarikat pemborong digantung lesen," katanya.

401 kes seleweng minyak masak, nilai rampasan RM15.57 juta

Putrajaya: Kes kekurangan dan kehilangan minyak masak subsidi di pasaran saban tahun terjawab susulan rampasan RM15.57 juta barangan itu sejak lebih empat tahun lalu.

Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi berkata, pihak Kementerian Perdagangan Dalam Negeri dan Hal Ehwal Pengguna (KPDNHEP) menerusi operasi Op Goreng mengesan 401 kes penyelewengan pembekalan minyak masak termasuk bersubsidi bagi tempoh 2018 hingga Februari lalu.

Menurutnya, semua kes

berkenaan dikesan hasil tindakan penguatkuasaan KPDNHEP ke atas pelbagai peringkat rantaian pengedaran seperti pengilang, pemborong dan peruncit.

"Mereka ini disyaki melakukan pelbagai kesalahan di bawah Akta Kawalan Bekalan 1961 dan peraturan di bawahnya," katanya.

Beliau berkata, KPDNHEP mewujudkan Op Goreng bertujuan melakukan pemantauan khusus ke atas syarikat pembungkus, pemborong dan peruncit minyak masak di bawah Program Skim Penstabilan Harga Minyak Masak (COSS).

Dalam tempoh itu juga, sembilan kertas siasatan di-

buka di bawah Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (AMLATFPUAA 2001) (Akta 613) serta membabitkan nilai pembekuan ke atas aset syarikat berjumlah RM1.79 juta.

Berdasarkan statistik sehingga Februari lalu, Nanta berkata sebanyak 27 syarikat sudah digantung atau dibatalkan lesen di bawah Akta Kawalan Bekalan 1961.

"KPDNHEP memandang serius isu berkaitan penyelewengan dan ketirisan minyak masak bersubsidi dan tidak akan berkompromi dengan mana-mana pihak yang didapati terbabit da-

lam penyelewengan dan aktiviti haram khususnya berkaitan minyak masak bersubsidi," katanya.

Berhubung pembukaan semula sempadan negara bermula semalam, beliau berkata KPDNHEP akan mempertingkatkan tindakan penguatkuasaan di pintu masuk sempadan untuk memastikan isu berkaitan ketirisan barang kawalan termasuk minyak masak bersubsidi dibanteras sepenuhnya.

Tindakan penguatkuasaan itu akan dilaksanakan dengan kerjasama agensi-agensi berkaitan seperti Polis Diraja Malaysia, Angkatan Tentera Malaysia dan Jabatan Kastam Diraja Malaysia.

Pelaksanaan gaji minimum diharap tidak jadi punca harga barang meningkat

SHAH ALAM - Kongres Kesatuan Sekerja Malaysia (MTUC) berharap pelaksanaan gaji minimum RM1,500 sebulan bermula 1 Mei ini di seluruh negara tidak akan menyebabkan kenaikan harga barangan dan perkhidmatan.

Setiausaha Agung MTUC, Kamarul Baharin Mansor menegaskan, pihaknya mengambil berat tentang kenaikan harga barangan yang sedang melanda.

"Kenaikan ini sekali gus menyebabkan perbelanjaan rakyat Malaysia khususnya golongan pekerja berpendapatan rendah (B40) semakin bertambah.

"Situasi ini tentunya akan memberi tekanan besar kepada mereka yang perlu bergelut untuk meneruskan kehidupan masing-masing," katanya dalam satu kenyataan pada Jumaat.

MTUC sebelum ini telah menyerahkan memorandum kepada Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi bagi memohon pemantauan kenaikan harga barangan dan perkhidmatan yang dihadapi negara.

Penyerahan memorandum terbabit diterima oleh wakil menteri yang juga Ketua Komunikasi Korporat KPDNHEP, Yunus Tasim bersama pegawai-pegawai lain.

Kerajaan sebelum ini meluluskan pelaksanaan kadar gaji minimum baharu RM1,500 sebulan bermula 1 Mei ini di seluruh negara.

Perdana Menteri, Datuk Seri Ismail Sabri Yaakob berkata, pelaksanaan gaji minimum itu bagaimanapun akan hanya membabitkan majikan syarikat besar dan tidak membabitkan perusahaan mikro, kecil dan sederhana (PMKS).

Dalam pada itu, Timbalan Presiden MTUC, Mohd Effendy Abdul Ghani menyatakan bahawa MTUC menyokong kenyataan dibuat Alexander baru-baru ini yang mengingatkan peniaga agar tidak mengambil kesempatan terhadap pelaksanaan gaji minimum dengan menaikkan harga barangan.

"MTUC berharap pihak KPDNHEP akan terus melakukan pemantauan berterusan dan mengawal selia bagi memastikan kenaikan harga tidak berlaku," katanya.



KPDNHEP dapati sindiket
barangan tiruan kini
dipelopori warga asing

Oleh MUHAMMAD AMINURALIF
MOHD ZOKI

Dulu kuli, sekarang tauke barangan tiruan

ISU penjualan barangan tiruan yang menggunakan jenama terkenal di negara ini bagaikan tiada kesudahan walaupun sering kali pihak berkuasa melakukan operasi.

Biarpun penguatkuasaan tegas dilakukan, namun sindiket menjual barangan tiruan bagaikan sudah kebal dan tidak takut untuk meneruskan kegiatan haram itu biarpun tahu ia menyalahi undang-undang negara ini.

Suatu ketika dahulu, kegiatan menjual dan mengedar barangan tiruan didalangi warga tempatan, namun Pengarah Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur, Ariffin Samsudin mendedahkan, sindiket barangan tiruan kini dipelopori oleh warga asing.

Ariffin berkata, trend penjualan barangan tiruan di negara ini berubah sejak dua tahun lalu apabila kebanyakannya didalangi warga asing terutama dari Bangladesh dan Pakistan.

"Faktor penyebab kepada keadaan ini ialah pasaran kerana barangan tiruan yang masuk ke negara ini kebanyakannya dari Bangladesh dan Pakistan.

"Hasil risikan mendapati, urusan jual beli stok barangan dari kedua-dua negara

itu hanya boleh dijalankan oleh rakyat mereka atas faktor kepercayaan, sekali gus menyebabkan urusan jualan barangan tiruan di Malaysia dimonopoli oleh warga kedua-dua negara tersebut," katanya.

Beliau berkata, pada asalnya, warga asing tersebut hanya bekerja dengan sindiket menjual barangan tiruan di Malaysia.

"Atas faktor bagi memudahkan urusan pembelian dari Bangladesh dan Pakistan, warga asing ini mendapat kepercayaan daripada majikan mereka untuk menguruskan sendiri urusan jualan tersebut.

"Lama-kelamaan dengan mengguna-

kan wang yang dikumpulkan serta dana yang diterima daripada pihak yang menjual barangan tiruan tersebut, warga asing yang sebelum ini hanya kuli, naik setapak demi setapak sehingga berjaya membuka perniagaan mereka sendiri di negara ini,"

Warga asing ini mengeluarkan segala bentuk modal, sementara seorang rakyat tempatan akan digunakan namanya untuk mendaftar lesen perniagaan."



ARIFFIN



KPDNHEP Kuala Lumpur merampas barangan tiruan bernilai RM8 juta dalam Ops Jeriji sepanjang tahun 2021 di sekitar ibu negara.

jelas beliau.

Menurutnya, kebanyakan barangan, contohnya stok baju yang diciplak daripada jenama-jenama terkenal datangnya dari kedua-dua negara tersebut.

"Sentimen lebih percayakan 'orang sendiri' adalah satu bentuk elemen yang paling penting bagi mereka. Pihak di negara berkenaan sesekali tidak menerima 'orang luar' untuk berurusan dengan mereka.

"Secara langsung, mana-mana warga mereka yang bekerja di Malaysia akan dijadikan sebagai orang tengah untuk berurusan. Atas faktor itulah, kita dapat lihat trend urusan jualan bagi barangan tiruan di negara ini kebanyakan sudah bertukar kepada warga asing daripada dua negara berkenaan," katanya ketika ditemui *Sinar Harian* di Pejabat KPDNHEP Kuala Lumpur baru-baru ini.

Beliau berkata, kegiatan urus niaga barangan tiruan itu dijalankan tanpa modal, sebaliknya lebih kepada konsep membantu rakan senegara.

"Pengeluar barangan tiruan ini sanggup meletakkan modal mereka sendiri iaitu memberikan barangan tersebut tanpa cagaran kepada peniaga rakan senegara mereka di sini.

"Peniaga boleh ambil dahulu barangan yang dibekalkan, kemudian baru bayar kos barangan tersebut kepada pengeluar setelah terjual. Cara inilah menyebabkan aktiviti menjual barangan tiruan semakin berkembang di negara ini," katanya.



Penguatkuasaan dijalankan KPDNHEP Kuala Lumpur dalam membanteras kegiatan menjual barang tiruan.

Guna nama warga tempatan

Jelas beliau, menjual barangan tiruan merupakan antara kegiatan berisiko tinggi dan mereka yang terlibat berdepan tindakan serta peruntukan undang-undang yang berat di negara ini.

Bagaimanapun, katanya, pulangan yang diperoleh peniaga adalah lumayan disebabkan faktor permintaan tinggi daripada warga tempatan.

Menurutnya, perkara itulah yang menyebabkan sindiket barangan tiruan terus bermaharajalela sehingga ada antara mereka berselindung di sebalik perniagaan berlesen.

Ariffin berkata, pihaknya mengesan ada sindiket menggunakan orang tempatan untuk mendapatkan lesen menjalankan perniagaan di negara ini.

"Antara kaedah yang digunakan ialah konsep 'ali baba'. Warga asing ini mengeluarkan segala bentuk modal, sementara seorang rakyat tempatan akan digunakan namanya untuk mendaftar lesen perniagaan.

"Apabila pihak berkuasa melakukan serbuan, memang tiada nama warga asing tersebut, sebaliknya mereka berpura-pura sebagai pekerja dan menunjukkan lesen perniagaan yang tertera nama warga tempatan," ujarnya.

Menurutnya, sindiket menjual barangan tiruan itu juga sanggup mengeluarkan belanja yang besar semata-mata untuk menggunakan nama warga tempatan bertujuan mendaftar perniagaan.

"Mereka (warga tempatan) hanya goyang kaki sahaja. Kos dari segi modal, kadar sewa dan sebagainya akan diuruskan oleh sindiket berkenaan.

"Setiap bulan warga tempatan ini akan menerima wang tanpa gagal. Jadi faktor ini antara penyebab sindiket berani menjalankan perniagaan menjual barangan tiruan ini tanpa rasa takut," katanya.

Guna istilah 'copy original'

Ariffin berkata, ramai yang terpedaya dengan helah sindiket atau peniaga apabila menggelarkan barangan tiruan yang dijualnya sebagai *copy original*.

Beliau menjelaskan, apa sahaja barangan yang dijual tidak mendapat kebenaran pemilik hak cipta, ia adalah

tiruan.

"Barang tiruan ini sama ada dikatakan *copy original* atau yang sesetengah mempunyai gred tertentu didakwa sebagai barangan berjenama tapi berkualiti rendah, adalah tiruan.

"Pihak KPDNHEP kesal apabila ada peniaga sanggup menipu dengan memberikan pelbagai istilah untuk barangan yang mereka jual. Ada juga yang mendakwa barangan tersebut adalah tulen, namun berkualiti rendah," katanya.

Beliau subungan itu berkata, tindakan penguatkuasaan akan segera dijalankan sebaik sahaja KPDNHEP menerima aduan daripada pemilik sesebuah jenama atau pemilik cap dagang itu sendiri.

Menurutnya, barangan yang dijual dan didakwa sebagai barang tulen perlu berdaftar dan mempunyai lesen.

"Dalam soal ini, peniaga tidak boleh sewenang-wenangnya menjual sesuatu barangan itu dan mendakwa ia adalah barang tulen. Perlu ada lesen dan berdaftar dengan sah.

"Apabila pemilik cap dagang membuat aduan, tindakan penguatkuasaan seperti sitaan serta tindakan lain akan diambil menurut peruntukan undang-undang yang ada," katanya.

Guna media sosial

Kedua negara yang berhadapan dengan Covid-19 menjadikan urusan jual beli barang tiruan dijalankan dengan mudah.

Sindiket mengambil kesempatan memasarkan barangan tiruan melalui platform media sosial.

Ariffin berkata, penjualan barangan tiruan secara dalam talian merupakan cabaran kepada KPDNHEP Kuala Lumpur.

"Helah melibatkan penjualan barangan tiruan secara online sedikit berbeza kerana penjual hanya bertindak sebagai ejen *dropship* dan tidak menyimpan stok barangan tersebut.



Ariffin ketika ditemu bual Sinar Harian di pejabat KPDNHEP Kuala Lumpur baru-baru ini.

"Ejen bertindak sebagai orang tengah dan akan membuat tempahan dari luar negara, seterusnya barangan akan dihantar kepada pengguna," ujarnya.

Selain itu, beliau berkata, peniaga menggunakan nama samaran dan ia antara cabaran pihaknya dalam mengatasi masalah penjualan barangan tiruan dalam talian.

"Terdapat individu yang menjual barangan tiruan menerusi platform dalam talian menggunakan nama samaran serta telefon bimbit yang didaftarkan atas nama orang lain.

"Dalam soal ini, kita akan bekerjasama dengan pelbagai pihak seperti pengendali platform dalam talian untuk mengatasinya," katanya.

Beliau berkata, KPDNHEP Kuala Lumpur sentiasa menjalankan penguatkuasaan bagi mengesan sekiranya terdapat aktiviti penjualan barangan tiruan di platform media sosial.

"Kita bekerjasama dengan lain-lain agensi seperti Suruhanjaya Komunikasi dan Multimedia (SKMM) dan pengendali platform dalam talian seperti Lazada dan Shopee.

"Kaedah ini dijalankan bagi memastikan aktiviti menjual barangan tiruan menerusi platform dalam talian dapat di-

banteras sepenuhnya," ujarnya.

Beliau berkata, terdapat beberapa kaedah dilaksanakan dalam mengatasi isu melibatkan jualan barangan tiruan dalam talian.

"Antaranya adalah melaksanakan *website blocking* bagi pautan atau laman sesawang yang menjual barangan tiruan.

"Selain itu, kita turut melaksanakan penurutan kandungan (*content removal*) bagi iklan atau penjualan barangan tiruan selain bekerjasama dengan wakil pemilik cap dagang dalam mengenal pasti pemilik akaun atau penjual dalam talian," katanya.

Beliau subungan itu mengingatkan mana-mana pihak yang menjual barangan tiruan agar menghentikan aktiviti tersebut.

"Sekiranya didapati mana-mana peniaga atau pelaku, sabit kesalahan boleh didenda tidak melebihi RM10,000 bagi setiap barangan, atau dipenjarakan tidak melebihi tiga tahun di bawah Akta Cap Dagangan 2019.

Selain itu, tindakan di bawah Akta Cap Dagangan 2019, KPDNHEP akan mengambil tindakan penguatkuasaan lebih tegas tanpa kompromi di bawah Akta Pencegahan Pengubahan Wang Haram, Pencegahan Pembiayaan Keganasan Dan Hasil Daripada Aktiviti Haram 2001," tegas beliau.

Henti sokong barangan tiruan

Kegiatan penjualan barangan tiruan dapat dihapuskan sepenuhnya sekiranya semua pihak memainkan peranan masing-masing dalam membanteras kegiatan tersebut.

"Selagi ada permintaan, maka penawaran akan sentiasa berlaku. Penguatkuasaan sememangnya kita sentiasa jalankan, malah ditingkatkan dari semasa ke semasa.

"Apa yang paling penting, pengguna itu sendiri perlu ada kesedaran untuk tidak membeli barangan tiruan," ujarnya.

Beliau berkata, orang ramai juga diingatkan agar tidak menjadi penyokong kepada sindiket penjualan barangan tiruan.

"Saya menggesa kepada mereka yang bertindak menjadi pelanggan tetap barangan tiruan supaya hentikanlah, jangan sokong barangan tiruan ini.

"Ingatlah, setiap dari kita mempunyai peranan tersendiri. Jadilah warga Malaysia yang sentiasa menghormati dan mematuhi peruntukan undang-undang ditetapkan," katanya.



Anggota penguat kuasa KPDNHEP Melaka menyerbu sebuah rumah di Krubong, Melaka baru-baru ini yang dijadikan lokasi menyimpan serta menjual kasut dan selipar tiruan yang menggunakan jenama terkenal.

4,277 kasut, selipar 'raya' tiruan dirampas

MELAKA - Sebanyak 4,277 pasang kasut dan selipar tiruan jenama terkenal bernilai kira-kira RM85,710 dirampas dalam serbuan di sebuah premis di Bachang, di sini, Khamis lalu.

Pengarah Kementerian Perdagangan Dalam Negeri Dan Hal Ehwal Pengguna (KPDNHEP) negeri, Norena Jaafar berkata, operasi itu dijalankan lebih kurang jam 12 tengah hari selepas pasukan penguat kuasa membuat risikan di premis yang dijadikan stor menyimpan barangan tiruan sejak minggu lalu.

Menurutnya, dalam serbuan itu, seorang lelaki tempatan berusia 30an disyaki pemilik barangan tersebut telah ditahan.

Katanya, premis itu dipercayai beroperasi hampir sebulan lalu, manakala kasut serta selipar tiruan itu akan dijual di bazar-bazar Aidilfitri.

"Bagaimanapun, individu ter-



Sebahagian kasut dan selipar tiruan yang dirampas dalam sebuah premis di Bachang pada Khamis lalu.

babit dilepaskan dengan jaminan polis. Kesemua barangan yang disita dibawa dan disimpan di stor KPDNHEP," katanya dalam satu kenyataan pada Jumaat.

Beliau berkata, modus ope-

randi turut menyasarkan penjualan secara dalam talian melalui platform media sosial.

"Kes disiasat di bawah Seksyen 102(1) (c) Akta Cap Dagangan 2019," jelasnya.

 Senarai Harga Barang Keperluan	• Ayam RM6.99	• Telur Cred A RM12.45	• Gula Pasir RM2.85	• Cili Merah RM6.99
	• Daging Lembu Tempatan RM34	• Ikan Kembung RM13.99	• Bawang Besar Holland RM1.99	• Kubis Bulat Tempatan RM2.79
	• Daging Lembu Import RM28	• Minyak Masak RM6.35	• Bawang Putih RM4.99	• Tepung Gandum RM2.25
*Harga (RM/kg) Sumber: KPDN-HEP				